



Na osnovu člana 64. stav (1) tačka d), a u vezi člana 28. stav (1), člana 77. i člana 83, te člana 70. Zakona o javnim nabavkama («Službeni glasnik BiH», broj 39/14) i člana 18. Poslovnika Centralne izborne komisije Bosne i Hercegovine («Službeni glasnik BiH», br. 50/07, 33/09, 24/13 i 32/14), na preporuku Komisije za javne nabavke od 16.08.2016. godine, Centralna izborna komisija Bosne i Hercegovine je na 45. sjednici, održanoj 16.08.2016. godine, donijela

### O D L U K U o izboru i dodjeli ugovora ponuđaču

(1) Ugovor za javnu nabavku usluga poštanske dostave izbornog materijala, putem preporučene pošiljke, za 25.453 birača za glasanje putem pošte za Lokalne izbore 2016. godine dodjeljuje se ponuđaču **„JP BH POŠTA“ d.o.o. SARAJEVO**.

(2) Ponuda ponuđača iz stava (1) dispozitiva ove odluke u provedenom pregovaračkom postupku je u skladu sa kriterijima i tehničkom specifikacijom utvrđenom tenderskom dokumentacijom i ocijenjena je kao prihvatljiva za ponudenu konačnu cijenu u iznosu od **195.446,25 KM bez PDV**.

(3) Prijedlog ugovora dostavit će se na potpis izabranom ponuđaču iz stava (1) dispozitiva ove odluke u skladu sa članom 72. stav (2) Zakona o javnim nabavkama, računajući od dana kada je obaviješten o izboru njegove konačne ponude u skladu sa članom 71. stav (1) Zakona o javnim nabavkama.

(4) Ova odluka stupa na snagu danom donošenja i objavit će se na web stranici Centralne izborne komisije BiH.

### O b r a z l o ž e n j e

Postupak javne nabavke usluga poštanske dostave izbornog materijala, putem preporučene pošiljke, za 25.453 birača za glasanje putem pošte za Lokalne izbore 2016. godine proveden je putem pregovaračkog postupka sa jednim ponuđačem bez objave obavještenja o nabavci. Poziv za dostavljanje zahtjeva za učešće i početne ponude i pregovore broj: 07-1-16-3-861-3/16 od 15.08.2016. godine objavljen je na web stranici Centralne izborne komisije BiH i dostavljen na adresu poštanskog operatera „JP BH Pošta“ d.o.o. Sarajevo.

Do krajnjeg roka za prijem ponude dana 15.08.2016. godine do 14:00 sati na adresu Centralne izborne komisije BiH dostavljena je početna ponuda, ponuđača „JP BH Pošta“ d.o.o. Sarajevo.

Komisija za javnu nabavku, imenovana odlukom Centralne izborne komisije BiH broj: 07-1-16-3-861-2/16 od 12.08.2016. godine (u daljnjem tekstu: Komisija) je nakon otvaranja zahtjeva za učešće i dostave početne cijene konstatovala da dokumentacija navedenog ponuđača sadrži sve dokumente tražene u tenderskoj dokumentaciji, odnosno da je naprijed navedeni ponuđač kvalificiran za učešće u ovom postupku javne nabavke. Nakon otvaranja primljene ponude ponuđača „BH Pošta“ d.o.o. Sarajevo i pročitane cijene dostavljene na Obrascu za cijenu početne ponude, komisija i predstavnik navednog ponuđača su pristupili pregovaranju, gdje je ponuđen popust u visini od 10% i to na ukupnu ponudenu cijenu, te je dogovoreno da će konačnu ponudu, ponuđač „JP „BH Pošta“ d.o.o. Sarajevo dostaviti u utorak 16.08.2016. godine najkasnije do 14:00 sati.

Komisija, po dobijenoj naprijed navedenoj konačnoj ponudi, izvršila je pregled i ocjenu ponude o čemu je sačinila Zapisnik o pregledu i ocjeni ponude broj: 07-1-16-3-861-11/16 od 16.08.2016. godine.

U navedenom Zapisniku o pregledu i ocjeni ponude, Komisija za javne nabavke je dala preporuku Centralnoj izbornoj komisiji BiH da u ovom predmetu javne nabavke donese odluku o dodjeli ugovora ponuđaču „JP BH Pošta“ d.o.o. Sarajevo jer je njegova ponuda u skladu sa kriterijima i tehničkom specifikacijom utvrđenom tenderskom dokumentacijom i što je ponudena cijena u iznosu od 195.446,25 KM bez PDV ocijenjena kao prihvatljiva s obzirom da je u okviru predviđenih sredstava za ovu nabavku u budžetu Centralne izborne komisije BiH. Usluge poštanske dostave su oslobođene obračuna i plaćanja PDV-a, shodno Zakonu o porezu na dodatnu vrijednost.

Imajući u vidu naprijed navedeno, Centralna izborna komisija BiH je i odlučila kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od 10 dana od od dana prijema ove odluke.

Broj: 07-1-16-3-861-12/16  
Sarajevo, 16.08.2016. godine

Dostavljeno:  
-Ponudaču  
-a/a



Predsjednik  
*[Signature]*  
Dr. Ahmet Šantić